



REPUBLIKA E SHQIPËRISË
BASHKIA RROGOZHINË
KËSHILLI BASHKIAK

VENDIM

Nr. 41 , datë 11.05.2020

**PËR MIRATIM AMENDAMENTI PËR RREGULLOREN “PËR ORGANIZIMIN
DHE FUNKSIONIMIN E KËSHILLIT BASHKIAK RROGOZHINË”**

Këshilli i Bashkisë në mbledhjen e radhës me dt. 11.05.2020 analizoi dhe diskutoi në lidhje me projekt-vendimin e ardhur nga Bashkia, me shkresë Nr.2320.Prot datë. 08.05.2020. Për miratim Amendamenti për rregulloren “Për organizimin dhe funksionimin e Këshillit Bashkiak Rrogozhinë ”

Në mbështetje të nenit 54 gërma “a” nenit 55 pika 3 të Ligjit Nr.139/2015, datë . 17.12.2015 “ Për vetëqeverisjen vendore “, Ligjit nr.45/2019 “Për mbrojtjen civile” Duke ju referuar Udhëzimit “Për funksionimin online të Këshillave Bashkiak” të përgatitur nga Projekti “Bashki të Forta” për plotësimin e Rregullores së Këshillit Bashkiak në aspektet problematike që janë vërejtur kryesisht në situatën e pandemisë COVID-19. Me propozim të Komision për çështjet Juridike , Rend , Konflikte i propozojmë Këshillit Bashkiak ,

VENDOSI :

1. Miratim Amendamenti për Rregulloren “Për organizimin dhe funksionimin e Këshillit Bashkiak Rrogozhinë”, si më poshtë :

Në shtojcën nr.1, “Përkufizime” të Rregullores të bëhen këto riformulime për pikat :

34. *Emergjencë Civile* : është situatë e papritur me pasoja negative për komunitetin dhe që çënon sigurinë e tij, e cila shkaktohet nga fatkeqësitë që sjellin dëme të menjëhershme e të rënda për jetën e njerëzve , gjënë e gjallë, pronën , trashëgiminë kulturore dhe mjedisin. ²

35. *Fatkeqësi* : është ndërprerja serioze e çfarëdolloj shkalle e funksionimit të një komuniteti ose shoqërie për shkak të ngjarjeve të rrezikshme që ndërveprojnë me kushtet e ekspozimit, cënueshmërisë dhe kapacitetit përballues, duke çuar në humbje të mundshme njerëzore, material ekonomike dhe mjedisore.

36. *Fatkeqësi Natyrore* : janë fatkeqësitë që shkaktohen nga dukuri natyrore ekstreme , që lidhen me tërmetet, përmbytjet dhe vërshimet e ujit, temperaturat ekstreme dhe të tejzgjatura, rrëshqitjet arkitektonike, ortekët, erërat e forta në tokë dhe në det, zjarret massive në pyje, sëmundjet infektive masive dhe dukuri të tjera që ndikojnë në jetën e njerëzve, gjënë e gjallë, pronën, trashëgiminë kulturore dhe mjedisin. ³

² Ligji 45/2019, neni 3/6.

³ Ligji 45/2019, neni 3/9.



37. *Fatkeqësi të tjera*: janë aksidentet teknologjike, rrugore, hekurudhore, detare, ajrore, si dhe zjarret, rrëzimet e digave, aksidentet bërthamore ekologjike ose industriale dhe aksidente të tjera të shkatëruara nga veprimi njerëzor, lufta ose gjendja emergjente, përdorimi i armëve dhe mjeteve të shkatërrimit në masë, sulmet terroriste, si dhe lloje të tjera të dhunës masive. ⁴

Neni 63 Mbledhja e Jashtëzakonshme

Në pikën 1 ku paragrafi përfundon me “apo raste të tjera të specifikuar me ligj” të shtohet, dhe që kërkojnë vendimmarrje urgjente të Këshillit. Në rast të emergjencave shëndetsore ato janë të mbyllura për pjesëmarrje fizike të publikut, dhe Këshilltarët respektojnë kërkesat ligjore për situatën e emergjencës dhe masat e jashtëzakonshme.

Pas pikës 3, të shtohet ,

Pika 4 . Asnjë urdhër, urdhëresë apo vendim apo rezolutë nuk do të merret në konsideratë në Mbledhjen e Jashtëzakonshme përveç nëse është me shkrim dhe nëse nuk është paraqitur një kopje origjinale (ose elektronike përjashtimore dhe ekstreme) pranë Sekretarit apo Kryetarit të Këshillit.

Pika 5 . Mbledhja e Jashtëzakonshme mund të mbahet në një vend tjetër nga Dhomat e Mbledhjeve të Këshillit, por në çdo rast mbrënda territorit të Bashkisë , përveç kur rrethanat ekstreme e pengojnë këtë gjë, me kusht që Mbledhja të jetë e hapur për publikun.

Pika 4 bëhet 6 dhe paragrafit i shtohet,

Në Mbledhje Këshilli mund të ratifikojë urdhëra apo vendime të Kryetarit të Bashkisë të marra për përballimin e situatës së jashtëzakonshme.

Pika 5 bëhet 7 dhe paragrafit i shtohet,

Rendi i ditës dhe dokumentet e Mbledhjes i përcillen Këshilltarëve me telefon celular (nëpërmjet ehatsapp apo tjetër) dhe me email.

Pika 6 bëhet 8.

Pika 7 bëhet 9.

Pika 8 bëhet 10.

Shtohen ,

Pika 11 . Anëtarët e Këshillit mund të marrin pjesë dhe të jenë të pranishëm nëpërmjet mjeteve elektronike në Mbledhjen e Jashtëzakonshme të Këshillit, me anë të telefonisë celulare, mjeteve transmetuese me video, sistemit kompjuterik apo pajisjeve dhe programe të tjera të medias së komunikimit elektronik, të cilat lejon transmetimin e videos dhe zërit të Këshilltarëve, e që quhet mbledhje elektronike me kusht që :

- a. Ekziston një emergjencë e tillë që mos lejimi i pjesëmarrjes së anëtarëve të Këshillit Bashkiak në mbledhje përmes komunikimit elektronik do të rrezikonte interesin publik, shëndetin, sigurinë ose mirëqenien e qytetarëve,

⁴ Ligji nr. 45/2019, neni 3/10.



- b. Para fillimit të mbledhjes, Sekretari, apo në mungesë të tij Kryetari i Këshillit, apo zëvendëskryetari do të bëjnë përpjekje të arsyeshme për të njoftuar të gjithë anëtarët e Këshillit, të cilët pritet të mos jenë në gjendje të jenë fizikisht të pranishëm në vendin e mbledhjes, në mënyrë që t'u japin atyre një mundësi për të marrë pjesë nëpërmjet komunikimit elektronik,
- c. Këshilltarët të jenë në komunikim të drejtpërdrejtë, të mund të shohin dhe të dëgjojnë njëri tjetrin njëherazi dhe përgjatë gjithë mbledhjes nëpërmjet paisjeve elektronike,
- d. Publiku të ketë mundësi të shohi dhe të dëgjojë Mbledhjen e Këshillit nëpërmjet paisjeve elektronike dhe faqes së internetit, të dëgjojë diskutimin dhe votimin e Këshilltarëve.
- e. Publiku të ketë qasje elektronike në Mbledhjen e Këshillit, për komente apo dëgjesa publike, kryesisht me email.
12. Të gjithë anëtarët e Këshillit apo zyrtarët dhe personeli i Bashkisë apo të tjerë, pjesëmarrës në mbledhjen elektronike, duhet të identifikojnë veten e tyre dhe tu jepet fjala nga Kryesuesi para se të flasën.
13. Minimumi një prej anëtarëve të Këshillit duhet të jetë i pranishëm në vendin e caktuar të mbledhjes të identifikuar në njoftimin publik si mbledhje elektronike, përveç se kur masat e jashtëzakonshme nuk e lejojnë një gjë të tillë.
14. Mbledhje hapet nga Kryetari/ Kryesuesi, i cili deklaron kuorumin.
15. Me fillimin e mbledhjes, Këshilli bën një procesverbal të rrethanave që përbëjnë urgjencën që kërkon përdorimin e komunikimit elektronik, dhe të arsyeve të mbajtjes së mbledhjes në një vend ndryshe nga dhoma e mbledhjeve të Këshillit, si dhe një procesverbal të natyrës dhe shtrirjes së përpjekjeve të bëra për t'i dhënë secilit anëtar të Këshillit që nuk merr pjesë elektronikisht, një mundësi për të marrë pjesë me mjete të komunikimit elektronik, si dhe justifikimin e kohës së njoftimit të mbledhjes. Pas bërjes së këtij procesverbali, Këshilli do t'u japë një mundësi të gjithë atyre që janë në komunikimit elektronik me mbledhjen të shprehin çdo kundërshtim që ata kanë për të kryer mbledhjen përmes komunikimit elektronik.
16. Nëse lidhja e komunikimit të një apo disa Këshilltarëve ndërpritet gjatë Mbledhjes Elektronike:
- a. Kryetari / Kryesuesi kërkon një pushim prej 10 minutash për të rivendosur lidhjen/et,
- b. nëse pas ndërprerjes, një apo disa lidhje nuk mund të rivendoset, anëtarë/rët e Këshillit që i ishte ndërprerë lidhja do të konsiderohet se ka lënë Mbledhjen.
- c. nëse pas ndërprerjes një apo disa lidhje nuk mund të rivendoset dhe nuk ka një kuorum të anëtarëve të Këshillit, Kryetari / Kryesuesi deklaron mbylljen dhe shtyrjen e Mbledhjes deri në një njoftim të radhës.



17. Votimi në mbledhjet e jashtëzakonshme dhe elektronike, për vendimmarrje që kanë të bëjnë me çështje të situatës emergjente, bëhet i hapur dhe me zë, në pamundësi me email dhe sms dhe kjo regjistrohet në procesverbalin e Mbledhjes.

18. Kostot për pjesëmarrjen e Këshilltarëve në Mbledhjen Elektronike mbulohen nga Bashkia.

19. Dispozitat e nenit 65 (pjesëmarrja nepërmjet Sistemit AudioVideo) të kësaj rregullore merren parasysh në rastin e mbledhjeve të jashtëzakonshme.

Të shtohet, në TITULLIN IV

Politikat strategjike Buxheti dhe qëndrueshmëria Finaciare e Bashkisë , pas nenit 152

KREU IV. EMERGJENCAT CIVILE

NENI 153

Miratimi i Kornizës Strategjike dhe Operacionale për Mbrojtjen Civile

1. Këshilli Bashkiak miraton kornizës strategjike dhe operacionale për menaxhimin e emergjencave civile në Bashki, dhe mbrojtjen dhe rimëkëmbjen nga fatkeqësitë:¹
 - a. Miraton dokumentin e vlerësimit të riskut nga fatkeqësitë,
 - b. Miraton dhe rishikon strategjinë për zvogëlimin e riskut nga fatkeqësitë;
 - c. Miraton dhe rishikon planin vendor për emergjencat civile
 - d. Alokon fonde për veprimtari trajnuese në fushën e mbrojtjes civile për punonjësit dhe banorët në territorin e Bashkisë;
 - e. Miraton dhe rishikon e sistemin e monitorimit, të paralajmërimit të hershëm, të njoftimit dhe të alarmit në territorin e Bashkisë,
 - f. Miraton dhe rishikon sistemin të dhënave të nevojshme për shtetasit dhe për subjektet private, të mundshme për t'u planifikuar dhe angazhuar në parandalimin dhe përballimin e fatkeqësive;
 - g. Miraton dhe rishikon sistemin për ndërtimin e bazën së të dhënave të humbjeve nga fatkeqësitë për territorin e bashkisë,
 - h. Miraton planin e investimeve parandaluese, mbrojtëse dhe rehabilituese nga fatkeqësitë,
 - i. Miraton planin dhe kriteret për kryejën e vlerësimitin e dëmeve të shkaktuara nga fatkeqësitë në territorin e Bashkisë, të vlerësimitin e nevojave për përballimin e tyre, si dhe të dëmshpërblimit të shtetasit për fatkeqësitë e ndodhura në territorin e bashkisë,
 - j. Miraton planin e përbashkëta me bashkitë fqinje në zbatim të detyrave që lidhen me zvogëlimin e riskut nga fatkeqësitë dhe mbrojtjen civile,
 - k. Miratojnë planin dhe masat për aktivizimin e kapaciteteve të subjekteve publike e private brenda territorit të bashkië për përballimin dhe lehtësimin e fatkeqësive.

Shqyrtojnë raportin vjetor të vlerësimit të gatishmërisë së sistemeve të mbrojtjes nga zjarri, kalueshmërisë së pandërprerë të rrugëve rurale, vendet e strehimit, rezervave

¹ Ligji 45/2019, neni 30.



1. ushqimore për njerëzit dhe gjënë e gjallë, infrastrukturën e ujitjes, të kullimit, të mbrojtjes nga përmytja dhe digat e rezervuarëve në administrim të Bashkisë.
2. Merr vendim për masa organizative dhe administrative për përballimin e gjendjes së fatkeqësisë natyrore apo tjetër, si:²
 - a. përdorimin e burimeve financiare të parashikuara në buxhetin vjetor, si dhe rivlerësimin e buxhetit vjetor, në përputhje me kryerjen e shpenzimeve shtesë të paparashikuara,
 - b. vënien në dispozicion të burimeve njerëzore dhe logjistike për përballimin e gjendjes së fatkeqësisë,
 - c. caktimin e objekteve në përgjegjësinë e administrimit të Bashkisë, që mund të vihen në dispozicion për strehimin e popullsisë së evakuuar apo në nevojë për strehim.
3. Këshilli siguron që informacioni për rreziqet dhe aktivitetet e Këshillit për mbrojtjen nga fatkeqësitë natyrore dhe fatkeqësitë është publik, dhe mundëson njoftimin e komunitetin e një zone të caktuar, e cila ka rrezik të goditet nga fatkeqësitë natyrore apo fatkeqësitë e tjera³.

2. Ngarkohet për zbatimin e këtij vendimi Këshilli Bashkiak Rrogozhinë.

Ky vendim hyn në fuqi sipas përcaktimeve të pikës 6 të nenit 55 të Ligjit Nr.139/2015 "Për vetëqeverisjen vendore" dhe pas Konfirmimit Ligjor nga ana e Prefektit të Qarkut Tiranë.

KRYETARE E KËSHILLIT
MUKADES GIXHARI



² Ligji nr .45/2019, neni 42/1

³ Ligji nr .45/2019, neni 5